

فی ۱۶ محرم سنہ ۳۲۷ و فی ۲۶ کانون ثانی سنہ ۳۲۴

جمعیت علمیہ اسلامیہ نیک ناشر افکار پور

مدیر مسئول

محمد فطین

سر محرر

فاتح مجیز درس عام لرنڈن

مصطفیٰ صبری

صاحب امتیاز

فاتح مجیز درس عام لرنڈن

شہری احمد افندی

مندرجات

.....	فران باصونق		مقالہ مخصوصہ
ادبیات			سیاست شریعہ
نعت شریف			عمل
.....	طاہر مولوی		دین اسلامہ هدف مناقشہ اولان مسائل مصطفیٰ صبری
منفرقہ			ملاحظہ مقصدانہ
.....	دارالشفقہ		دیانتک انسانیتہ سیاستہ لزومی واری
.....	ارناؤدولر و خط مہرئی		مذہبہ اخلاقیہ لریا خود قہود خانہ لری

نسخہ سی ۵۰ پارہ در

.....	آبونہ اجرتی		استانبول، ایچون
.....	ولایات ایچون		برسنہ ۷۵ فروش
.....	۸۵ فروش		الی آبلئی ۴۰
.....	۴۵		
.....	۱۸ فرائق		
.....	۹۰		

درج ایدلیان اوراق اعادہ اولناز

قارئین مزہ :

اکثر مقالاتہ آیات کریمہ واحادیث نبویہ درج ایداش بولندبنی نظر اعتبارہ آلہ رقی رعایتسز لکدہ بولناماسی
رجا اولئور .

برای این نور ایمانی اعتناق ابدی بخانه نائل اولدینی
 سلطوت سایه سنده ملوک جهانی اعتراف عجزه مجبور
 و حائز بولندینی حکمت و مهابت بنشاند، اعظم علمانی
 حیران و مهیبت ایلدی. قوه قاهره سیله اسلامی اعزاز
 و حکمت باهره سیله قوم عربی سرفراز ایلدی. عجباً
 بویه بر احبای عزته بادی و بوی بر احبای ذله باعث
 نه اولدی. بو ذات شریفه او علو منزلت نره دن کلدی.
 بونونهال لطیفه اوهای موفقیّت نه طرفدن توجه ایلدی.
 علم اخلاقی، فنون عمرانی هانکی بر مکتب عالیهدن
 تدریس ایلدی. شهسز او ذات محترمی او کبی مراتب
 عالییه اصماد ایلان منحصراً کتاب الله تعالی اولدی.
 حق تعالی حضرت تریک اوامر و نواهیسه کمال تسلیمیت
 سایه سنده موفقیّت هر نقطه سنی حائز اولدی. او حالده
 بز نه ایچون علوم و عرفان کی بر محصول قرآنی طائفة
 مخالفینه اسناد ایلده. فیوضات باهره منک حق تعلیمی
 « روضطویه، کیرقویه، اعطایلیلم، مفادخر معارفی
 جامع و مصالح دنیویه و اخرویه می لامع بولان کلام الله
 تعالی حضرت تریک معالیه سنی بر اقوب اکتاب حکمت
 باینده اغیاره مراجعت بو ملت محترمه ایچون موجب
 شین و عار اوله چی جای اشداء دکلدر. همده اولیه بر
 اغیاره ک شرف ایماندن بشقه نه قدر معلومات حیصده
 و معاملات بسندیده لری واریسه جله سی ترجمه واسطه
 سیله آثار نفیسه مزدن کتب مقدسه مزدن اقتباس
 اولمشدر. بناءً علیه شرف اسلام ایله مشرف و نور ایمان
 ایله منور اولان و باخصوص میدان حقایق شناسیده بر
 موقع ممتازک احرازی املده بولان محررین اسلامدن
 مأهول و منتظر اولان ربیجی وظیفه و اجبات دینیسه
 و مقتضیات دنیویه یی تقریق ایتمکله برابر ابنای جنبی
 بلا تقریق مذهب سادات ابدیه یی موجب اوله جحق
 اسبابک تأمینی و باخصوص عقائد و اعماله دائر بولسان
 کتب معتبره نیک تحصیلی باینده کی شوق و شطارتلری
 تزئید ایله جک تشویق و ترغیب دریغ ایتمک درجه

ثانیده بدایع شتی و ضایع لایعصیه دائر موجود اولان
 ترقیات حاضریه مستند اولنلری دخی ممالک غریبه ده
 کائن مکاتب مستحضریه مراجعتلری توصیه بیورمق
 خصوصیدر. اتردن و اثره انتقال صورتیهل بهر هدرکه
 صدر اسلامدن زمان حاضره کابجه توالی ایام و تساقب
 اعوام ایله متصلاً علمای بنام و ارشاد عوامه وقف
 وجود ایلین فضیله ذوی الاحترامک بیکرجه سنی
 یتشدرهش اولان او مکاتب والای عرفانغزی او مراتب
 اعلاای ایمانغزی تزیین و باخصوص چرکاب نظمیهل
 تلویث ارواح ایلین بر طائفه یی مصرراً علم و عرفان ایله
 تقدیس و توصیف ایلمک وظیفه سنی نه مقوله اشخاصه
 لایق و دروا کوره بیلیرز. بو باینده احبای اسلامیه یی التزام
 ایلین کسدهن بشقه کیمی ارانه ایده بیلیرز « ایتونا
 مأجورین » بو مقوله مقاله نیک نشری و انتظار عالمه وضی
 محررین اجنبیه نیک برینده مشاهده اولنور ایسه اصلا
 شایان اسف و اعتقاد اوله منر. لکن مشاهیر ادبای
 اسلامیه دن بر ذات با کمال قال و قلمندن جریان ایدر ایسه
 طوغریبی فریاد و فغاندن انماض عین ایدیهل من.

« شعر »

من از بییکا نکان هرگز نسالم
 که با من هر چه کرد آن آشنا کرد

کلامی درگاه شریفی پوست نشینی
 امد

سیاست شرعیه

۱۱

تشیب جرم - تشبیهک جزایی - اجتماع جرائم -
 جزای - بر جرمک متعدد جزایی حالده کی احکام شرعیه
 و قانونیه - عین نودن اولان جرائمک تعددده تداخل مجازات -
 تکرر جرم و مجازاتی - ثمرأ تکرر خصوصیه نیک قبولی .

مصمم جرم اولان بر آدم نیت جرمکارانه سنی بر فعل

برخایه دخیل ایچون دیواری دلورده فقط او اناده
مخله بکجیسیسینک کندی اوزرینه قرار ایدوب - مؤخرأ
دردست ایدلسه محکمه جنایک ویره چی جزا ۲۳۰ نجی
ماده نك ذیل دلاتیله ۲۲۰ نجی مادهیه تطبیقاً هوقت
کورکدر . کوزل ۱ قتل ، قتل شلیه تصدی جرمیری
عجا بوندن خفیف برشیمیدرکه قانون بولورده . اثبث
جرمه نام جزا ویریمور ؟ بز ایترکه هیئت اجنایه ندن
برفرد ، معامله جبر و شدت اجراسیله ناموسنه تصدی
دکل برنک سوز سولنامسی ایچون خزینهلری فدا
ایدر . محافظه عرض و نفس وقایه اموالک دوسده میدر ؟
مادامکه جزا قتل و معامله اتاق ایدن نشینانده تخویز
ایدلش بوجمله مساواستزلفه محل ویرمک موافق
معدت دکلدن .

سیاست شرعییه کناجه ، برایشدن مقصد نه ایسه
حکم آکا کوردر دیه حکمت حقوق اسلامیه بر
قاعدمن واردن . بقاعده بزه یلک کوزل اراده ایدیبورکه
برفمله مقارن اولیان نیت اوزرینه بعض اعتقاداته
متعلق . مثلاً باندنن صرف نظر احکام شرعیه ترتب
ایتمه . مثلاً سرقت ایتمکی نیت ایتمش برآدم حقنده سرقت
فلنک جزایی ویراز . حق جناب فخر عالم افسدمن
« نجاوز لامتی ماحدث به اغمهم مالم یعمه لوا »
بیورمشلردن . اما نیت واقعه بر عمل مادییه مقارن
اولورسه اوزمان اوزرینه برحکم شرعی ترتب ایدر .
فقط اثبث جرم اولانه شرعده نام جرمک جزایی
ویرمز . بناء علیه برکیسه برخانه نك دیواری دلورک
ایجری به بالذخول برشی سرقت و یاخود دیواری دلمک
قبوی آچمه چایشوبده بوبایدکی وظائفی تکمیل
ایتمدن ایجاب مانعه حیلولیتله نتیجهی الدله ایدرمسه
برنجی صورنده ۳۰ ایکنجی صورنده ۲۰ اوچنجی
صورنده ۱۰ دکنک اولتی صورتیه تعزیر اولنه جنی

بیان ایدلشدن . [۱]

[۱] احکام سلطانیهیه باق ۱

مادی ایله خارجه ایصال ایتمکجه صرف نیتندن دولانی
مؤاخذه اولنماسی لازمدر .

احکام موضوعه قانونیهده جراثم سیاسییه استناد
ایدیلکجه صرف تصمیدن دولانی جزا یوقدر . شوقدرکه
بعض مواد قانونیهده ازجله ۱۹۱ نجی مادهده بیان
ایدیلکی اوزره اناخه و تمهیدانده بولانلر ایله ۵۸ نجی
مادهده کی اتفاق خفی تشکیلده دایر تصمیل اولان مقررات
و ذیلنده کی آلات نازیه و ادوات مهملکه ایجادی کی
اقبال حقنده کی مجازاتی برجرم مخصوص تاقی ایتمک کی
تأویلات سیغفنی حسن صورته تاقیه شایسته کوره بیز .
واقعه هیئت اجنایه ایچون تصورات جنایه کارانه
موجب اندیشه ایسهده بونک منی جتی قوه عدلیهیه
دکل ضابطه اداره عائددر .

هم ایقاع جرم ایچون معاملات لازمه استحضار
و استکمال ایله احوال اجرایییه استبدار اولنورسه
اوزمان ، قانونکده برجنایک اجرانیه بدأ ایتمک تشبیر
تعریفی میدانه کلش اولور .
آراق مقشبتک بذاختیارنده اولیان اسباب مانعه نك
حیلولی ایستر جرمک ایقاعنه ایسترسه جرمندن متولد
نتیجه نك استحصانیه مانع اولسون . اثبث جرم جزا
کوردر .

ایشته مذکورمواد قانونیهده جرمک اسباب اجرایی
تهیه کی بعض افعال و تدابیره تشبث اولتی صورتنده
مقدمه اجرایییه ایله فکر و نیت عمل مادییه مقارن
اولیورده قانون نیت دکل نیت افعال مادییه جزا ویربور .
اما اثبث نام درجه ننده اولماقله بوکا راستا تشکیل
ایده بیلور . فقط نیت و تصور اوزرینه تجزیه در دیرک
جرم مخصوص اولتی اوزره قبول ایدلن .

مثلاً بونک کورده چیکی جزا تمام جرمک جزاسندن
فرقل اولسی لازمدر . بز قانون جزا اکیم بیلورنه
ملاحظیه مغلوب اولدیده سرقت ورشوت تشبیرنده
عین جزایی اعطای ایشدر . مثلاً برآدم سرقت قصیده

حالبکه حقوق جزائیه اش به جرم ملک جزایه اعطای بولان قتلک جزائیک تطبیقه دیگر لری جزایم بر اقلیدور . مجازات فرعه متممه بوندن استقامت بدلیش ایسه دانا جهت شرعیه دهه (فان کان مہاجریم بیداً بحداقتف و بضمن المال فی السرقة الخ) عبارہ سبلہ مجازات متممه نظر اعتباردن دور طو لمام قبلہ برابر اجناس جرائمک مقید اوله رق قبول ایلدیکی آشکاردر . کرچه اصول محاکماتک مذکور مادہ سنہ نظراً اجتماع جرائم ، اک غیر جزائک اجرائی اعتباریلہ صورت مطابقتده قوانی مشمر ایسه جزا قانوننک ۱۳۰ ، ۷ و نجی موادی قاعده مذکورہ براسندا تشکیل ایستدیک کوسرتکم مطلق تقیددن باشقه برشمیدر ؟ هم حقوق جزائیهده ، برکیمسه فرض قتل قصدیلہ جرح و برای اخافہ تشمیر سلاح جرمیلہ مقاسون و مهم اولوبده بالحاکم افعال مذکورہ نک مرتبکی اولدیفندن اعظم جرم اعتباریلہ قتل قصدیلہ جرح فعلندن دولای ۱۸۰ نجی ماده قانونیہ توقفاً وقت کورک حد اصغری اولان اوج سنہ محکومیتی جرمی الزام ایلسہ دیگر فعلی بستون جزایم برافق صورتیلہ قرین عدالت اولمیه . جفندن تشمیر سلاح فعلی سبب شدت عدیلہ اوج ویا آتی ملہ جزا وریلمی ہیئت اجتماعیه نظرندہ موافق معدلت عد اولنور . واقما بو براسباب مشدده ایسهده ، اسباب مشدده قانونیہدن واقسامی بولان عمومی وخصوصی قسمندن اولیوب صرف تقدیر حکامہ عائد اسباب مشدده تقدیریدن اولقی اوزرہ تجویز بدلیش و سیاست شرعیه مزده ایسه اولا حد قذفک اجرائی ومؤخرأً جنایت فسادون النفسدن اولان جرح - قتلدهکی مجازاتک ایضای یئندہکی فرق ، آنجق مجازاتک مجرمه چکدیر یلمی خصوصندہ دکل بلنک قانونده ، سبب شدت ، شرعده مستعمل برجزا اولقی اوزرہ حکم ایلدیک صورتندہ قاور .

بوتقطعدن حقوق جزائیه شرع ایلہ توحید ایلدیلہ

تذیر مر حالده ضرب اولیوب رأی امامہ مفوض اولغله بوجزا ، متفاوت صورتده حبسده منقلب اولور . بناءً علیہ شریعت ضرب جزای و برمشدر دیرک ہیئت اجتماعیه بوندن توحش ایدر دنیلمه مایدر . آنک ایچون دیوروزک تذیر مر حالده ضرب دکلدر . بناءً علیہ سیاست شرعیه سرقده تمام جرمک جزائی و برمیور . اما فعل شلیعه تصدی وسائر جرائمده قانون سیاست شرعیه ایلہ متحددر .

ذاتاً قانون جزا دکی عبارات غیر مطرده و متناقضہ معلوم بولندیفندن سرقه خصوصندہ سیاست شرعیه من دها زیاده عدالتی کوزتمش وقاعده مساواتی محافظه ایستدر .

اجتماع جرائم کلتجه : * سیاست شرعیه ایلہ قانون بو خصوصندہ آریدور . شویله که اصولی محاکمات جزائیه قانوننک ۲۹۹ نجی ماده سنده [بر قاج جنایت و جنحه برشمش اولدیفنی حالده یالکز اک غیر جزائی استلزام ایدن جریمه ترتیب ایدن مجازات تہیر اولور .] دیہ محرر اولسنہ نظر آمرتکب جرائم اولان بر شخصک ارتکاب ایلدیکی متعده جرملرندن یالکز اک غیر جزائی استلزام ایدن جرمک جزائی وریله چکی قانوننک جمله صراحتنددر .

سیاست شرعیهده ایسه ، حدودک تعدد و اجتماعندہ جرمک درجه نوعه کوره بر قاج حدود اجرا ایلدیکدن صکره بهضدیلده الفا ایلدیلور . یوقسه اک غیر جزا ایلہ اکثفا اولنیور . مثلاً بر شخص حد قذقی موجب برجرمدہ صکرده برینی قتل بر دیگرینی جرح دردنجی درجهدهده حد شربی موجب بر حالده بولنش اولور سه اش بهو شخص حقندہ اولا حد قذقی موجب حرکتک جزائی و نایاً جرمک جزائی اجرا ایلدیکدن صکره اوجنجی مرتبهده قتلک موجب اولان جزائک ایضایله حد شرب لغو اولنیور . [۱]

شوراسیده عرض ایدرمکه ، بعضاً جرائم اجتماع ایترده یالکز برجرمک تعدد جزایری بولنور . مثلاً بزم قانون جزانک ۱۷۹ نمی ماده سنده عادیاً جرح و ضرب فعلسده و یاخود بوصورتلرک ایکیسی بردن اجرا اولنور . افاده تردیدیه سبله هم حبس و همد مجازات تقدیه نك جزا اواق اوزره مجتمهلاً اعطاسی تنسیب ایدلشدرد .

سیاست شرعیده ایسه بوقیبل اجتماع مجازات ، قبول ایدله مشدر . مثلاً محسن حقنده هم جلده همدد رجم که ایکی مجازات اجتماع ایترده کذالك بکر حقنده هم جلده و هم نفی اجتماع ایترده . یعنی برجرمک جزاسی متعدد ایسه هبسی اعطا اولنمز .

بر کیسه عین نوعدن برجرمی تعدد دفعه ایشلهش اولدینی حالده دودست ایدلسه تعدد فعلی سبب شدت عد اولنهرق جزا کوررد .

مثلاً سرقت فعلی تعدد دفعه ارتکاب ایتسی کبی . سیاست شرعیده دخی بر کیسه عین نوعدن تعدد سرقتلرده بوانسه دودست ایدلایدکنده یالکز برسرقت جزاسی اجرا ایدیلور . [۱]

•••

سیاست شرعیده تکرر جرم خصوصی دخی نظر اعتنایه آلنهرق روما حقوقنده اولدینی کبی اجتماع جرائم ایله قاربشدر بلامش و اجرای مجازاتده شدت کوسترلش و جزا تضعیف ایدلشدرد . مثلاً فصل سرقتده بولسان بر آدمک الی قطع اولنقدن صکره ایکنجی برسرقتدها ایدرسه آبنی قطع اولنور .

اوجنجه دفعه تکررنده مؤدأ حبس اولنور . چونکه جزادن متلبه اولمامش چونکه او آدمک صلاح حاله و تهذیب اخلاقه هیئت اجتماعیه جه قناعت حاصل ایدله مشدر .

[۱] وان سرقت مراداً قبل التام فلیس علیه الاقطع واحد . احکام سلطانیه و جوهریه بانی

بیلورسده فقط بر شخصی قتل قصدیه جرح و دمن غیر تعدد ۱۱ « قتل فطریی ارتکاب ایتمش ایسه یالکز قتل فعلنک جزاسی اجرا ایدیله جکی و بوتوع قتلک جزاسی ایسه اون بش سنه کورک اولوب قانونده الک آغیر جزا عد ایدلسی حبسیله مدت مذکورینی تجاوز جائز اوله . میه جفندن بعض محاکم اعلامنده منقولرم اولدینی اوزره بومثللو خصوصاً سنده « جرح فعلی سبب شدت عدیه اون بش سنه مدتله کورک کونلمسنه ۱۱ « عباره سنده کی « سبب شدت « تمیزینه نجیا بر محمل صحیح بولنه بیلوری ۱۱ « هیئت اجتماعیه بونی موافق معدات عد ایدرسی ؟ ایدرسه دیگر مثاله سبب شدت عدیه تریدید مجازاته نه لزوم حس ایدیریور ؟ مقصد اخافه قصدیه تشهر سلاح جرمی جزاسیز بر اقامق معالاه سنه مستندد دلکی ؟ تأمین مدلت اساسه مبتنی بومطالعه قتل قصدیه جرح ایله قتلک اجتماعده دها زیاده وارد اولمزی ؟

ایشته ضرب حقوقک مذذب قاعده لری بر عده قابل تطبیق دیگر جفته بویه تطبیق متمسر قایل ۱۱ بزم سیاست شرعیه مزده اجتماع جرائم مسئلہسی اکثریتله حد شرب حد قذف کبی مسائلده کوسترلسنه و قاحت اقبالنده ایسه اجتماع جرائم ذاتاً تجاوز اولمسنه مبنی مقصد حقوقیون شرعه تقرب ایدله بیلورسده [وان کان فيها قصاص فی النفس او فیما دونها بیدأ بمحد . القذف ثم یقتل فیما دون النفس ثم یقتل فی النفس و یلقو ماعدا ذلك الحدود کذا فی النصاب] عباره سنده نظراً مطالعات سابقه نك وارد اوله جنی بیددار و شریعت منوره مزده کی هیئت اجتماعیه نك منافعی تأمین خصو صنده کی عدالت درکاردر .

فریبدرکه آلمانیا و هولاندا کبی دولتر قوانینی اجتماع مجازاتی بعض مرتبه قبول ایله شرعه ممکن مرتبه تقرب ایتدکاری حالده بزم . عکسی التزام ایدن دولتر قوانینی ترجیحنده کی حکمت حقوقک ۱۱ نه اولدینی آکلاهی میورز .

فقط تکرر شده شرعاً جزائک چکلمش اولی لازمدر .

برده تکرر جرمده کتب فقهیه لرده کی امتیازیه نظراً ایکنجی جرم اولی جرمک عینی اولمی اقتضاییدنیور که بصورتده شرع تکرر خصوصی قبول ایدیور . حالیکه بزم حکمتیکه تمیزک اجتهادیه نظراً ایکنجی جرم اولکنک عینی ویاخوداولی ایکنجیدن دهها آغیراولی اساسی قبول اواندیفنه باقولورسه و تکرر خصوصی ، مقید اولهرق قبول ایلمکله اجتهاد واقع شق ثانییه نظراً سیاست شرعیه دن افتراق ایدر .

آلمانیا . آستریا ، روسیه قوانینی تکرر خصوصی بی قبول ایتمکله سیاست شرعیه به مطابقتدر .

قانون جزائک ۷۴ نجی ماده سنده ، بر شخص برکه ارتشا تمیزیه متهم اولوب تأدیبات قانونیه سی کوردکده . نصکره ایکنجی دفعه الح ، دنیامسنه نظراً جزائک چکلمش اواسی لازمدر .

کرچه باحوال استثنائیدن معدود ایساده فقط مستثناسنه اولان ۸ نجی ماده قانونیه فرانسه قانونیه اولان مشائی مؤید بر صورتده میدر !

« مابعدی وار »

تمیز جزا دایره سی ضبط کتبه سندن

ابن حازم : فرید



— عمل —

معلوم اهل یقیندر که عبادتن مقصد (حقه یقین) حاصل ایتمکدر . یقین حاصل اولنجه به قدر — کمال اخلاص ایله عمل صالحده دوام ایذیله چکدر . حصول یقیندن صکره استغنا دکل ، عبادته اشتها حاصل اولورده عبد ، عبادت ایچنده محو وجود ایدر ، وجود حقیقی به مغایر اولور .

صرفای عابدین « رأس عبادت ، نفسه مخافتدر ، دیورلر . بنا برین نفس لوامیه مخافت ایتمکجه عبادتله اشتلاف قابل اوله ماز .

بشر ، نفسک یذاسا شنده براسیر حکمند . درکه قید اسردن خلاص اولق ، حقه دخالت واخلاص نام ایله عبادت ایتمکه متوقفدر . حقیقت حریت ، حقه کمال عبودیتدر ..

عبودیتک حقدن بشقه مرحوبی اولدینی حالده نفس آماره — احکام مهلاکده سینه اطاعت ایلمکجه — بنده فرما بری — دنیا و آخرتده — پریشان ایدر . آنک شرندن خلاص اولق الجون صدق واخلاص لازمدر . کرام کبارک تعریفنه کوره : صدق ، مطالعه نفسدن تنقی ، اخلاص ، ملاحظه خلقتدن توفی در .

مطالعه نفس ، کذب کی برمرض فاسد و ملاحظه خاق ، ریا کی برکار کارد تولید ایدر .

محاسن نفس ، مساوی نفس ، نسبتله ذره موهومه مثابه سنده اولدینی حالده صاحب نفس ، مساوی بی نظردفته آلاز ، محاسنی مطالعه ایدر . قلبنده مرض عجب وغرور بیننده درد خود بینی ظهور ایدر . ذره بی آفتاب ، قطره بی دریا شکننده کورور .

باطنی خراب ایکن معور ظن ایدر . بوطن وینش ، اختیار کذب ایتمدر . ایمان ایسه کذبیدن مجانبدر .

باطنک خراب اندر خراب اولدینی صاحبنجه صدق ایکن تعمیر باطنه چالیشماز . بالعکس ظاهرینی انظار علانه معور کوستر . بونمایش ، ارتکاب ریادر . ریا ، انسانک اولدینی کی کورنمنسه ، یاخود کورندیکی کی اولمنسه نمائت ایدر . ایمان ، بالطبع ریادن ده مجتهددر . اهل ایمان نیت خالصه ، اعمال صالحه ، کی ایکی جاح مسالزم الفلاحه محتاجدر . آندن محروم اولورسه سعادتدن ده محروم اولور . درجات عالییه اعتلا بایده من . اسفل ساقیننده قایلر .

حقیقت بوندن عبارت ایکن عملد : قصور ، یاخود